

Ո Ր Ո Շ ՈՒ Մ N 639

վարչական գործի վարույթը կարճելու մասին

18 մայիսի 2023թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալդյանս, քննելով Հայաստանի Հանրապետության քաղաքացի Տարոն Միերի Բաղդասարյանի (հասցե՝ Գեղարքունիքի մարզ, Վարդենիս, գյուղ Ակունք, Նարեկ Հովհաննիսյան փող., տուն 26, անձնագիր՝ AS0550884, ծնված՝ 21.09.1988թ.) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Տարոն Միերի Բաղդասարյանը 10.11.2022 թվականին թիվ 05100022/101122/0000747079 մաքսային մուտքի օրդերով 150 օր ժամկետով՝ մինչև 09.04.2023 թվականը ՀՀ տարածք է ներմուծել MERCEDES-BENZ ML350 մակնիշի, QL347QL պետհամարանիշի, 4JGBB86EX6A028360 նույնացման համարի, 2002 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 4-րդ բաժանմունքի պետ Ս.Սարոյանի կողմից 20.04.2023 թվականին Տարոն Միերի Բաղդասարյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներով:

«Մաքսային կարգավորման մասին» ՀՀ օրենքի 309-րդ հոդվածի 1-ին մասի համաձայն՝ ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված մաքսային վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության տասը տոկոսի չափով, բայց ոչ պակաս, քան երեսուն հազար դրամի չափով:

Մաքսային կանոնների խախտման վերաբերյալ վարչական վարույթի շրջանակներում 16.05.2023թ. թիվ Ն/27.2/89719-2023 գրությամբ հարցում է կատարվել ՀՀ ՊԵԿ Երևանի մաքսային սպասարկման կենտրոն-մաքսատուն, վարչություն՝ ժամանակավոր ներմուծման ժամկետի հնարավոր երկարացման վերաբերյալ տեղեկություն ստանալու նպատակով: ՀՀ ՊԵԿ Երևանի մաքսային սպասարկման կենտրոն-մաքսատուն, վարչության 18.05.2023 թվականի թիվ Ն/20-1/91051-2023 գրությամբ տրամադրված տեղեկությունների համաձայն Տարոն Միերի Բաղդասարյանի կողմից թիվ 05100022/101122/0000747079 ՄՄՕ-ով ներմուծված տրանսպորտային միջոցի ժամանակավոր ներմուծման ժամկետն երկարաձգվել է մինչև 09.11.2023թ.:

Այսպիսով, վարչական վարույթի նյութերով հիմնավորվում է, որ Տարոն Միերի Բաղդասարյանի գործողություններում բացակայում է իրավախախտման դեպքը:


Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 309-րդ, 322-րդ և 334-րդ հոդվածներով՝

Ո Ր Ո Շ Ե Ց Ի

1. Տարոն Միերի Բաղդասարյանի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Տարոն Միերի Բաղդասարյանին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՐՈՒԹՅՈՒՆ ԱԶԳԱՆԴՅԱՆ